

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina i bas kekelengen Tuhanta Yesus Kristus, kebaktinta i bas wari enda igelari minggu GBKP Njayo. Arah minggu enda kita ibabai guna nggejapken pengarak-ngarak Tuhan seh maka i bas minggu enda enggo **83 tahun GBKP njayo** selaku tanda gerejanta enggo reh dewasana i bas ndalani pendilo Dibata. I bas si e, gereja Tuhan arus tetap mpelimbarui diri gelah reh ngasupna mpelimbarui kegeluhen.

Mari dage sipesikap pusuh ras ukurta gelah reh sikapna nggejapken pengarak-ngarak Dibata.

Erkata Lonceng

(Perp. Tedis)

Rende

KEE No. 363 : 1, 2, 3

(Serayan Kebaktin Bengket Ku Mimbar)

Kebaktin Minggu, 21 Juli 2024
Minggu VIII Kenca Trinitatis / Minggu GBKP Njayo

3	Votum – Salam <i>(Perp. Tedis)</i>
L	Kebaktin Minggu GBKP Njayo enda, lit i bas gelar Dibata sinjayam Gereja, i bas gelar Jesus Kristus Takal Perpulungen, ras i bas gelar Kesah si Badia si ngarak-ngarak perdalinen gerejanta. Penampat man banta rehna i bas Jahwe nari simereken kegeluhen man banta sekalak-sekalak. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Dua tahun dekahna Paulus ringan i bas rumah sewana e. I bas si dua tahun e ialo-alona kerina kalak si reh ndahi ia” (Perbahanen Rasul-rasul 28 : 30). Erpalasken Kata Dibata enda, sipuji IA alu radu ras ngendeken : KEE No. 9 : 1, 2, 3
5	Berita Perbahanen Dibata Kerna Gereja <i>(Perp. Kundul)</i>
L	Dibata enggo mereken pemere si pelain-lain man banta kerina selaku perpulungen. Pemere sipelain-lain e desken ring-ring i bas sada kula. Ring-ring si pelain-lain enda irakut i bas sada takal, e me Kristus Jesus. I bas kiniersadanta ras Kristus me Gereja jadi megegeh i bas ndahiken simehuli nandangi doni enda. Sipuji Tuhan erkiteken perbahanenNa si mbelin alu ras kita rende : KEE No. 209 : 1, 2, 3, 4
6	Kinata Kegeluhen Perpulungen i Bas Perdalanen Gereja
L	Dibata enggo njujurken pemerena si pelain-lain man banta, gelah reh tambahna gegehta maba kiniulin nandangi doni enda. Enggo nge ndia si pake pemere Dibata e sipake jadi pasu-pasu ras pengerakut si mehuli i bas Kristus ? <i>(Paksa Teneng)</i>
L	Dibata enggo njujurken erbage si mehuli nandangi dirinta, gelah dirinta jadi dalan Dibata natang perdalanen gerejaNa. Enggo nge ndia si pake dirinta jadi dalan Dibata mpekena-kena gerejaNa ?

	<i>(Paksa Teneng)</i>
L	Mari dage siakuken salah lepakta man Dibata.
P	Ngaku aku O Tuhan, lenga kugegehi makeken pemereNdu, guna kemulianNdu, bagepe guna kiniulin gerejaNdu. Melance perdalanen gerejaNdu erkiteken kurangna kepentarenku. O Tuhan, alami min aku.
	<i>(Paksa Teneng)</i>
L	Mari sipindo pengalami dosa i bas Dibata nari, alu ngendeken : KEE No. 393 : 1, 2,3
7	Berita Pengalami Dosa <i>(Perp. Tedis)</i>
L	Malem kal ate Dibata adi anak-anakNa si ngakuken dosa-dosana. Selaku persuruhan Dibata, aku nehken KataNa man kalak si enggo ngakuken dosana. Nina Tuhan : <i>“Amin bage gia, Aku kap Dibata si nasapken dosa-dosandu; janah si e Kulakoken erkiteken bage kin biakKu. Lanai Kupeinget-inget kerina dosa-dosandu”</i> (Jesaya 43 : 25). Meriah ukurta erkiteken dosanta enggo ialemi Dibata, emaka sipuji IA alu ras kita rende i bas : KEE No. 166 : 1, 2, 3
8	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Josua 4 : 19 - 24 . Mari siogeken secara sponsoria. Sibenaken pengogenta
4:19 L	Ikepari bangsa e Lau Jordan i bas wari pesepuluhken bulan si pemena jenari ibahanna inganna erkemah i Gilgal, arah Timur Jeriho.
4:20 P	I je isusun Josua batu si sepuluh dua ndai si ibuat i bas Lau Jordan nari.
4:21 L	Ikatakenna man bangsa Israel nina, “Adi isungkun anak-anakndu kam denggo kai ertina batu enda,

<p>4:22 P</p> <p>4:23 L</p> <p>4:24 P</p>	<p>turiken man bana kerna kejadiin tupung Israel ngepari Lau Jordan arah tanah kerah.</p> <p>Turiken man bana maka TUHAN Dibatandu ngkerahi Lau Jordan guna kam seh kam ngepar, bali ras enggo ikerahiNa Lawit Merah man kami.</p> <p>Erkite-kiteken si enda kerina bangsa i doni enda meteh kuga belinna kuasa TUHAN, janah ipehagandu TUHAN Dibatandu seh rasa lalap.”</p>
	<p>Ketuahen kalak si megiken Kata Dibata, dingén si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p><i>Haleluya</i></p> <p><i>Haleluya</i></p> <p><i>Haleluya</i></p>

b	Ertoto guna Khotbah
c	Khotbah : <i>Pilipi 4 : 14 - 20.</i> Tema : <i>“Perpulungen Si Nggit Nampati”</i>
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>I bas keriahen ukurta kerna penemani Tuhan, genduari seh paksana kita ncidahken pengataken bujurta man Tuhan arah persembahenta. Si jadi palas man banta guna nehken persembahen e me :</p> <p>“Nembahlah man Tuhan alu ukur meriah, dahilah ku adep-adepenNa janah rende meriah”</p> <p>Tupung kita nehken persembahen, ras kita rende arah :</p> <p>KEE No. 471</p> <p>Pertoton Persembahen ras Syafaat</p>
11	Perpadanen Man Dibata <i>(Perp. Tedis)</i>
L	Dibata enggo mereken pemere man banta sekalak-sekalak.

P	Erpadan aku Tuhan, ateku makeken pemereNdu, raduken ras isi jabungku, bage pe raduken perpulungenNdu, guna natang perdalenen gerejaNdu.
L	Mari sipeteguhi perpadanennta man Dibata alu ngendeken: KEE No. 425 : 1, 2, 3
12	Pertoton Tuhan
13	Pengutusen Ras Pasu-Pasu Dibata
L	Dahikenlah Kata Dibata si enggo ialokenndu ras pakekenlah pemere Dibata guna pekena-kena gerejaNa. Janah jadilah kam ring-ring i bas kula ni Kristus. Guna pegegehi kam ndalanisa, alokenlah pasu-pasu idur Dibata nari : <i>“Dibata si mada perkuah ate, si enggo nenahken kam ku kemulianNa si rasa lalap i bas Kristus, njadikan kam serta, megegeh dengen paguh. IA nge si mada Kuasa seh rasa lalap”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>